

শ্রীমন্ত শঙ্করদেব

বিষচিত

ভটিমা

BHATIMA

Composed by

Śrīmanta

Śaṅkaradeva

দেৱ ভটিমা

।। শ্ৰীকৃষ্ণায় নমোনমঃ।।

।। তোটয় ছন্দ।।

মধুদানৱদাৰণদেৱৰৰং।

ৱৰৱাৰিজলোচনচক্ৰধৰং।।

ধৰণিধৰধাৰণধ্যেয়পৰং।

পৰমাৰ্থৱিদাশুভনাশকৰং।।

কৰচূৰ্ণিতচেদিপভূৰিভগং।

ভগভূষণকাৰ্ছিত পাদযুগং।।

যুগনায়কনাগৰৱেশৰুচিং।

ৰুচিৰাংশুপিধানশৰীৰশুচিং।।

শুচিচামৰায়ুনিসেৱ্যতনুং।

তনুমধ্যগদেহসুৱেশহনুং।।

হনুমন্তহৰীশসহায়ৰতং।

ৰতৰঙ্গপৰায়ণশক্ৰনতং।।

নতৱৰ্তূলনীলসুদীৰ্ঘভূজং।

ভূজগাধিপতল্লশয়ানমজং।।

অজবামৰবিগ্ৰহৰিশ্বগুৰু।
গুৰুগোধনকামদকল্পতৰু।।
তৰুণিগণমোহনসৰ্বশুভং।
শুভমঙ্গলদায়কনীলনিভং।।
ইভকুম্ভজমৌক্তিকমাল্যব্ৰহং।
ব্ৰহলোৰসমিষ্টদসৰ্বসহং।।
সহজায়ত পদ্মদলাক্ষ্ণচিদং।
চিদানন্তৰিনোদনৰেদৰিদং।।
বিদূষান্মনসিস্থিতকম্বুগলং।
গলশোভিতকৌম্ভভীমব্ৰলং।।
বলভদ্রসহোদৰসত্যব্ৰপুং।
ব্ৰপুনিৰ্দ্দিতৰিশ্বসুৰাৰিৰিপুং।।
ৰিপুযুথপযুথপদৰ্পহৰং।
হৰমৌলিনিঘৃষ্টপদাৰুপৰং।।
পৰলোকসহায়সহস্ৰমুখং।
মুখৰালিকুলাকুলমাল্যসুখং।।
সুখমোক্ষদদক্ষৰমাৰমণং।
মনসো'পৰিমেয়মজস্ৰপ্ৰণং।।

প্রণতো'স্মি নতো'স্মি নতো'স্মি হৰিং।

হৰিৰৈৰিহুতাশনভোগ্যহৰিং।।

হৰিকিঞ্চৰশঙ্কৰ ঈশপদে।

পদমিচ্ছতি গায়তি চামৃতদে।।

(২)

বন্দো গোবিন্দাঃ গোপী জনানন্দা।

মঞ্জু ক্রয়ুগ সুস্মিত সুন্দৰ

বদন বিনোদিত চান্দা।।

পুতনীকা তন মনে ধৰি

জীৱ বিয়োজনকাৰী।

মায়া বল্লভ বাল বিলাসিত

নিৰ্জিত নিৰ্জৰ বৈৰী।

তিনি ভূৱন জন মৌলি বিভূষণ

মৰকত ৰত্ন সুরেশা।

চন্দ্রক নিচয়ে বিচিত্ৰত কেকী

পত্ৰত সুরেশিত কেশা।।

যমলাৰ্জুন ভঞ্জিয়ে শকট বিঘটিয়ে

বালক কেলি কৰন্তা।

ধনুক কেশীয়ে বকাসুৰ নাশিয়ে

ধৰনী ভাৰ হৰন্তা।

জয় গিৰি গোরদ্ধন গিৰি ধাৰন্তা

গোগণ ৰক্ষণশীলা।

দৰ্পিত সুৰমুনি দস্তাৰি ভঞ্জিয়ে

দৰশিত নিজ ভুজলীলা।।

কালিন্দী তীৰে কালী নাম

ভুজঙ্গম ৰাজ নিবাসে।

তা বিষ লাগি জলচৰ খেচৰ

তীৰ তৰু লয় নাশে।।

দুৰ্জন মজ্জন লীলা অৱতাৰ ধৰি

নিজ পৰিজন ধৰি সঙ্গৈ।

লীলা নৃত্যকয় কৰিয়ে শিৰে চড়ি

কালী নাশ কয় ৰঙ্গৈ।।

মল্ল নিযুদ্ধ বিলোকন কৈতব

মথুৰা নৰপতি সঙ্গৈ।

ভীত নিবোধিত ৰাজ সমাজক

সমাগত হলধৰ সঙ্গৈ।।

দ্বাৰে মত্ত মাতঙ্গ ঘাতিয়ে

তাসু বিপাড়িয়ে দন্তা।

সদৰ্পে গজ ৰাজ বিমৰ্দিয়ে

যেসে সিংহ চলন্তা।।

(7)

জয় জগদীস ঈস ভয়হাৰী।
লীলা কৰে ভূমি ভাৰ উতাৰি।।
আপন ভকত সৰ তাৰ মুৰাৰি।
অনুদিনে সেৱহ চৰণ তোহাৰি।।
বাজত বাজন ৰঙ্গ নিশান।
চলে ৰঙ্গশালা ৰাম ভগৱান।।
আৰে পেখিয়ে গজ কুৱলাই।
কুচ বলিকহ ৰোষ তোলাই।।
তাকু পেলল হাতি পেলুৱানে।
তাড়লি কুম্ভ থোৰে ভগৱানে।।
পাকড়িয়ে যো আগ ভয়ো খাড়া।
গজ চৰৰ তাড়ি কৃষ্ণ দোবাৰা।।
মাৰিয়ে লাথ উপাৰিয়ে দন্তা।
মাহত সাথেকি প্ৰাণকি অন্তা।।
কান্ধে ভিড়ি দন্ত ৰাম কাহাই।
সাথে লিয়ে ব্ৰজবাল সো যায়।।
হৰষে চলত হৰি লোক ভুলাই।

দশবিধ লোক দশ হি ৰূপ চাই।।
পেথিয়ে চাণুৰ সভা মহ যায়।
শুনতো ৰাজ আঞ্জা ৰাম কাহ্নাই।।
হামু সঙ্গে যুদ্ধ কৰত কুচি।
নৰপতি কংস হোৱে তৰ খুচি।।
কহত গোপাল তুমহি বড়িলাল।
পেথ লাড়িকা হামু গোপ ছাৱাল।।
সমান বয়সে যুদ্ধ কৰত যুলি।
শুনিয়ে চাণুৰ মাতে বাহু তুলি।।
তুমহি কিয়ে কুৱলয় অন্তা।
কুচ ছাৱাল বড়হি বলীয়ন্তা।।
এহেন্তে ৰাম বড়হি বলীয়াৰ।
মুষ্টিক সমে কৰু মল্ল বিহাৰ।।
মল্ল শিৰোমণি ৰাম কাহ্নাই।
দ্বন্দ্ব যুদ্ধ মল্ল বিচে বনাই।।
নানা বন্ধ ধৰলহি বহুমালে।
সৰ উতাৰিয়ে তাসু কিয়ে কালে।।
পেথিয়ে কুট আৱলি তাকু ধাই।

মাৰলি ৰাম বামমুষ্টি উঠাই।।
সল্ল তোসল্ল দুহ যোপে ধাই।
মাৰলি গোপাল সে লাথ ভেজাই।।
জয় জয় কৃষ্ণ ঘোষত সৰলোক।
পৱত ৰাজা বহুত ভয় শোক।।
পিতৃ মাতৃ কহ আৰৰি নন্দ।
পেথি হৰিক জয় মিলত আনন্দ।।
ৰাজা কংসে ৰোষে বোলে বাণী।
দূৰ কৰ মল্ল বাদ্য নিশানি।।
এহেৰে বাহিৰ কৰ ৰাম কাহ্নাই।
মাৰলি মাল এহি দুহো ভাই।।
নন্দকহ বান্ধ কাট বসুদেউ।
মাৰ উগ্ৰসেন ৰাখৰি নাহি কেউ।।
নিশবদ বাণী শুনিয়ে নৰ নাৰী।
তাসু পেথি ভকত ভয়হাৰী।।
লাম্বে মঞ্চে সঞ্চাৰিয়ে হুৰীকেশ।
পাৰলি কংস পাকড়িয়ে কেশ।।
যোহি উপৰে বহু ৰোষ অপাৰা।

তাসু পৃষ্ঠে বৈথে ত্রিজগত ভাষা।।
মৰলহি কংস সমাজহি চুপ।
দেলহ যো আপনহি নিজৰূপ।।
ৰোষ উঠাৱল কংসকহি ভাই।
মাৰল বলে তাহে পৰিঘ উঠাই।।
ৰাজ মহিষী কান্দে মনহি সন্তাপে।
তাসু শান্ত কিয়ে ত্রিজগত বাপে।।
মিলারত মুকুতি কংসকহি সুখী।
ভকতি মাগো হামু বড়ি দুখী।।
কৰু দায়াল কৰুণা একবাৰা।
তেৰে দাস কিয়ে নিয়ো নিস্তাৰা।।
মুখে জুনো ছাড়ে তুৱা গুণ নাম।
কহ শঙ্কৰ সৰ বোল ৰাম ৰাম।।

ইতি দেৱ ভটিমা সমাপ্ত

।। ৰাজ ভটিমা ।।

।। ১।

।। শ্ৰীকৃষ্ণায় নমোনমঃ ।।

জয় জয় মল্ল নৃপতি ৰসৱান।

যাকেৰি গুণগণ লম নাহি আন।।

নিজ কুল কুমুদ প্ৰকাশিত ইন্দু।

গহীন গম্ভীৰ ধীৰ পেথিতে সিন্ধু।।

সভা এক পাত্ৰ আপন মহাৰাজ।

দেৱক মধ্যে য়েমে সুৰৰাজ।।

আপন ভুজবলে দণ্ডিয়ে ৰাজকুল

পাৱত সকল হি কায।

জয় জয় ঈশ্বৰ পাদ প্ৰসাদ

মল্লদেৱ কৰু ৰাজ।।